

Xpresa bo mes

noticia@awemainta.com

Tur comunicado o remetido cu ser manda pa AWEMainta mester inclui number, fam y number di telefon di e remitente.

AWEMainta ta keda cu e derecho reduci of edita esakinan pa publicacion.

Poldermodel, Dialogo Social?

PA hopi hende e palabranan aki ta nobo den nan vocabulario, pero e contenido riba su mes no tin nada nobo. E ta un forma di cooperacion cu den varios pais ya ta conoci. E ta un cooperacion entre Gobierno, dunadornan di trabou, e sector di empleado y obreronan den tur ramo di trabou. Cooperacion, consulta y consensus t'e palabranan clave.

Un sistema di goberna cu den caso di introduccion di ley of proyectonan di un enbergadura tal, cu un consulta cu pueblo ta sinti cu e por biba cu realisacion of ehecucion di sea e ley of proyecto.

Den e consulta aki Gobierno,

sector comercial y empresarial, sector laboral tur den un forma harmonioso ta yega na un consensus semper y cuando tur locual ta keda acorda ta respeta e Constitucion y Derechonan Humano.

Nos conoce tambe un otro forma di consulta, esta e referendum, caminda pueblo ta tuma un decision cu ta bay hopi mas leu y mas profundo.

Den caso di un referendum cada individuo ta scoge sea a base di su ideologia, religion, norma y balornan.

E ta scoge e rumbo y destino di su pais pa cual e ta tuma su responsabilidad sea pa un si of pa no. Tur e forma di consultanan

aki no ta bay ocupa ni insurpa Parlamento.

Parlamento tey, pasobra pueblo a pone ey pa represente. Su tarea ta traha ley, amienda ley y controla Gobierno den ehecucion di e leynan debidamente.

Ningun forma di consulta por pasa of trapa Parlamento. Esey tur esnan cu ta lansa critica infunda riba e Dialogo Social durante nos gobernacion actual sa masha bon.

Pero ta bon cla cu e logro grandinan cu e Dialogo Social a alcansa ta molestia nan. Pa nan ta na interes personal ta bin prome y no e interes general cu ta loke e Dialogo Social ta sirbi.

E logro di e Dialogo Social ta

pone cada sector cu a duna su cooperacion sinti su mes orguyoso di por a participa directamente y ta fortifica nan sentimento di solidaridad, un pueblo uni. Nan positivismo ta pone nan sinti e balor grandi di union, e forsa tras di tur progreso.

Participacion ta aumenta responsabilidad. P'esnan cu sea ta pa ignorancia of pa malicia ta sigui cu nan critica mi kier conclui cu e siguiente 'Haiku'.

Negativismo ta cera porta pa tur oportunidad

Digna Lacle-Herrera

Ex miembro di Staten di AVP